



## PROPOZICIJE

### A2 LIGA BIH

### U SEZONI 2018/2019 GODINE

#### I OPŠTE ODREDBE

##### ČLAN 1.

A2 liga prvenstva Bosne i Hercegovine igra se u okviru sistema takmičenja za muške seniorske ekipe u Košarkaškom savezu BiH.

U prvenstvu A2 lige grupa Sjever učestvuje 7 klubova, a grupa Jug 8 klubova.

##### ČLAN 2.

Utakmice A2 lige u sezoni 2018/2019 godine, igraju se prema odredbama Košarkaških pravila Međunarodne košarkaške federacije (FIBA), odredbama ovih Propozicija i odredbama normativnih akata Saveza, koja se odnose na takmičenja.

##### ČLAN 3.

Organizaciju takmičenja, poštivanje odredbi Košarkaških pravila i ovih Propozicija, te ostalih pravilnika, provodi Komesar takmičenja A2 lige. Komesara takmičenja određuje Predsjedništvo KS BiH.

##### ČLAN 4.

Za A2 ligu u sezoni 2018/2019 godine objavljuju se prilozi Propozicija koje sadrže :

- raspored takmičenja
- kalendar takmičenja
- listu komesara
- listu sudija
- ime i sjedište komesara takmičenja
- vrste i visina naknada službenim licima .



## ČLAN 5.

Utakmice A2 lige u sezoni 2018/2019 godine, igraju se prema utvrđenom rasporedu i kalendaru takmičenja.

Utakmice A2 lige igraju se po dvostrukom bod sistemu, ( jedna utakmica kod kuće, jedna u gostima ).

Utakmice A2 lige u sezoni 2018/2019 godine, igraju se u vremenu koje odredi domaćin utakmice, s tim što utakmica ne može početi:

- **subotom prije 14,00 ni poslije 20,00 sati**
- **nedjeljom prije 12,00 ni poslije 18,00 sati**

Mjesto, dan i sat odigravanja utakmice klub domaćin dužan je pismeno prijaviti Komesaru takmičenja 4 dana prije odigravanja utakmice.

Utakmice se mogu igrati i izvan naznačenih termina. Odluku o promjeni utvrđenih termina donosi Komesar takmičenja.

Raspored takmičenja nije moguće mijenjati.

Izuzetno u međusobnom dogovoru, ekipe mogu pomjeriti utakmicu 72 sata prije ili 72 sata poslije termina predviđenog Kalendarom takmičenja.

O postignutoj saglasnosti klubovi su obavezni, u pismenoj formi, obavijestiti Komesar takmičenja.

Klub domaćin utakmice, dužan je zakazati utakmicu u vremenu koje je dogovoreno ugovorom sa TV kućom, ako tu utakmicu prenosi televizija.

Klub koji je prijavio utakmicu u određenom roku, a kasnije iz objektivnih razloga (zauzetost dvorane) mijenja satnicu ili dvoranu, može to učiniti najkasnije 2 dana prije prvobitno zakazanog termina, s tim da snosi sve administrativne troškove učinjene ovakvom promjenom (faks, telegrami i sl.).

Komesar takmičenja može, ukoliko smatra da je u interesu regularnosti takmičenja, odlučiti da se sve ili pojedine utakmice jednog kola igraju istog dana s početkom u isto vrijeme.

## ČLAN 6.

Ukoliko se utakmica ne može odigrati u predviđeno vrijeme zbog jednog od opravdanih razloga:

- Isključenje električne energije,
- Isključenje ili zastoj u javnom prometu,
- Vremenske nepogode,
- Nedolazak sudija,

utakmica se mora odigrati u slijedeća 24 sata od predviđenog termina početka utakmice.

Ukoliko se utakmica ne odigra u roku od 24 sata ona će se odgoditi.

Odluku o novom terminu utakmice donosi Komesar takmičenja.

Klub domaćin snosi sve troškove gostujućoj ekipi za ponovni dolazak na utakmicu.

Ukoliko se utakmica ne odigra zbog opravdanog nedolaska gostujuće ekipe, troškove organizacije utakmice te dolaska sudija i komesara snosiće gostujuća ekipa.

Klubovi u pravilu ne mogu tražiti odlaganje utakmice osim u vanrednim okolnostima:

- Zvanično proglašena epidemija od nadležnih zdravstvenih ustanova u FBiH
- Loša bezbjednosna situacija u dijelu ili na cijelom prostoru FBiH
- Izuzetno pogoršane atmosferske (vremenske) prilike (snijeg, poplave, požari i sli.) koje uzrokuju prekide saobraćaja

Konačnu odluku o odlaganju utakmice ili kompletnog kola donosi Komesar takmičenja.

Prekinuta utakmica zbog opravdanog razloga ili usljed više sile nastavlja se tako što se u momentu prekida utakmice uzimaju u obzir vrijeme i rezultat.

Klub domaćin dužan je gostujućoj ekipi nadoknaditi troškove produženog boravka.



Po završetku lige kojom se dobiva Prvak A2 lige Košarkaškog saveza BiH, proglašava se prvak predajom pehara i nagrada.

## II TEHNIČKI NORMATIVI

### ČLAN 7.

Utakmice A2 lige igraju se u dvoranama, koje zadovoljavaju standarde propisane Pravilima košarkaške igre (igralište, prostor oko klupa, ploče, koševi, tehnička oprema,...) i koje je za tu svrhu registrovala komisija ili osoba imenovana od strane Komesara lige.

Svaka dvorana mora imati službeni ulaz, koji omogućava nesmetani ulaz ekipama i svim službenim osobama od svlačionice do terena za igru.

Klupa za igrače gostujuće ekipe, kao i zapisnički stol moraju biti zaštićeni od svakog kontakta sa gledalištem.

U dvorani mora biti osiguran posebno izdvojen prolaz za igrače, trenere, službene osobe, sudije i komesara od svlačionice do igrališta.

Dimenzije košarkaškog igrališta za utakmice A2 muške lige su 28m x 15m i 26m x 14 m.

Dimenzije tabli su 180 x 105 cm.

Zglobni obručevi obavezni su na utakmicama A2 lige.

Igralište (teren za igru) mora biti ograđen, odnosno pregradom odvojen od gledališta.

Pregrada mora biti visoka 60 - 80 cm, udaljena najmanje 2m od granične linije igrališta te mora sprečavati ulazak gledalaca u igralište.

**Temperatura u dvorani u kojoj se odigrava utakmica mora iznositi najmanje 15 stepeni Celzijusa.**

Igralište mora biti ravnomjerno osvijetljeno s najmanje 500 luxa mjereno 1 metar od površine igrališta. Svjetlosni izvori moraju biti postavljeni tako da ne ometaju vidno polje igrača.

Elektronski uređaj-semafor mora biti opremljen digitalnim satom s odbrojanjem vremena unazad, sa zvučnim signalom koji označava kraj perioda i svakog produžetka. Zadnjih 60 sekundi, svakog perioda i produžetka treba mjeriti u desetinkama sekunde.

Blizu uglova igrališta moraju biti postavljena najmanje dva digitalna displeja (u skladu sa Pravilima igre) za mjerenje 24 sekunde sa odbrojanjem unazad vremena. Dva digitalna displeja mogu biti postavljeni i iznad i iza table u skladu sa Pravilima igre.

Ukoliko se tokom sedmice takmičenja utvrdi da dvorana ne zadovoljava uvjete propisane Košarkaškim pravilima ili ovim Propozicijama, Komesar lige utvrđuje vremenski rok domaćinima u kojem se dvorana mora uskladiti sa odredbama Pravila i Propozicija, a u suprotnom slučaju zabranice odigravanje utakmica na tom igralištu.

Promjene stavova ovog člana može donijeti Predsjedništvo KS BiH.

Dvorana mora imati najmanje po jednu svlačionicu za svaku ekipu i za sudije, koje moraju biti zaključane i čuvane jer domaćin utakmice je odgovoran za predmete ostavljene u svlačionicama. Svlačionice za ekipe moraju imati klupe za najmanje 15 osoba.

Domaćin susreta dužan je 30 min prije početka utakmice staviti na raspolaganje gostujućoj ekipi 4 ispravne lopte, a prvom sudiji utakmice loptu s kojom će se igrati.

## ČLAN 8.

Gostujuća ekipa dužna je poštivati boju dresa domaće ekipe, a shodno košarkaškim Pravilima.



U izuzetnim slučajevima uz obostranu saglasnost ekipa, boja dresova može biti zamjenjena.

Dresovi su obilježeni preme odredbama košarkaških Pravila.

#### ČLAN 9.

Ukoliko se na igralištu nalazi razglasni uređaj osoba koja govori na mikrofону nalazi se za posebnim stolom pokraj zapisničkog stola.

Razglasni uređaj služi samo za davanje obavještenja o utakmici.

Nije dopušteno korištenje mikrofona za poticanje navijača, komentarisanja, suđenja i slično.

### III EKIPE, TRENERI I SLUŽBENE OSOBE

#### ČLAN 10.

Na utakmicama A2 lige sezone 2018/2019 godine, mogu nastupiti igrači i licencirani za igru od strane Komesara takmičenja pod uslovom da nisu pod suspenzijom ili kaznom.

Licenciranje igrača vršit će se u skladu sa važećim Registracionim pravilnikom KS BiH i Propozicijama takmičenja.

Svaka ekipa sastoji se od najviše 12 igrača.

Minimalni broj igrača koji mora nastupiti na utakmici je 8 (osam).

**Ekipe je obavezna da na prijavnoj listi i na klupi ( fizički prisutno ) ima 3 igrača rođeni 1998. godine i mlađi ( zelena licenca )**

**- Za nastup na utakmici se mogu prijaviti samo tri igrača rođena 1998. godine i stariji (među 12 igrača u zapisniku) – crvena licenca osnovna licenca – žuta boja**

**Broj stranaca koji mogu nastupati za jedan klub u toku sezone je 2, pod pojmom stranci se podrazumjevaju svi igrači koji nemaju BH pasoš.**

Trener ili Službeni predstavnik ekipe dužan je 30 minuta prije početka utakmice predati komesaru utakmice Listu igrača i službenih osoba (propisani obrazac), Licence igrača, trenera, pomoćnike trenera, ljekara, fizioterapeuta i službenog predstavnika kluba.

Ukoliko na utakmici nastupi igrač koji nije uredno registrovan, klub gubi utakmicu službenim rezultatom i biti će kažnjen u skladu sa Propozicijama.

#### **ČLAN 11.**

Ljekarski pregled igrača obavezan je prije početka takmičenja. Ukoliko nije izvršen ljekarski pregled igrač neće biti licenciran za nastupajuću sezonu.

Dužnost trenera i pomoćnika trenera mogu obavljati samo osobe koje posjeduju službeni trenerski karton, izdat i ovjeren za tekuću kalendarsku godinu od Trenerske komisije Košarkaškog saveza BiH za utakmice A2 lige.

#### **ČLAN 12.**

Na klupi za rezervne igrače mogu sjediti osobe koje su navedene u "Listi igrača i službenih osoba" (rezervni igrači, treneri, pomoćni trener, ljekar, fizioterapeut i službeni predstavnik kluba).

Komesar takmičenja izdaće prije početka lige do 4 licence za službene predstavnike kluba.

Komesar takmičenja može odbiti izdavanje licence predloženoj osobi ukoliko procijeni da njegovo dosadašnje ponašanje nije bili na potrebnoj sportskoj visini ili povući licencu ukoliko ovakvi razlozi nastanu tokom takmičenja. U tom slučaju klub ima pravo predložiti nove osobe.

#### **ČLAN 13.**

Službeni predstavnik domaćina, u ime kluba domaćina, odgovoran je komesaru utakmice za organizaciju utakmice.



Službeni predstavnik isključivo ostvaruje komunikaciju sa službenim licima delegiranim od Komesara takmičenja (komesar, sudije i pomoćne sudije) u predviđenom vremenu i na način propisan službenim pravilima igre.

Službeni predstavnik ispred kluba je jedini ovlašten da službeno kontaktira Komesara takmičenja.

**Za vrijeme utakmice službeni predstavnik kluba domaćina mora sjediti na klupi za rezervne igrače ekipe domaćina.**

#### ČLAN 14.

Igračima, trenerima, pomoćnim trenerima i predstavnicima klubova zabranjuje se davanje izjava, koje izlaze iz okvira sportskog ponašanja, o radu službenih lica, također nije dozvoljeno davanje na uvid neslužbenim osobama dokumenta vezanih za utakmicu.

#### ČLAN 15.

Osim službenih predstavnika kluba, svaki klub sudionik A2 lige sezone 2018/2019 godine određuje jednu odgovornu osobu kluba za ovlašteno službeno kontaktiranje sa Komesarom takmičenja.

### IV KOMESAR, SUDIJE I POMOĆNE SUDIJE

#### KOMESAR

#### ČLAN 16.

Funkciju komesara na utakmicama A2 lige sezone 2018/2019 godine obavljaju osobe koje se nalaze na "Listi komesara" utvrđenoj nakon završenog testiranja prije početka takmičenja

Nominaciju komesara na utakmicama A2 lige sezone 2018/2019 godine obavlja Komesar takmičenja.

Komesar na utakmicama A2 lige sezone 2018/2019 godine mora biti odjeven u odijelo.

#### ČLAN 17.

Komesar kontroliše kartone pomoćnih sudija, igrača, službenog predstavnika kluba, trenera, pomoćnika trenera, ljekara i fizioterapeuta.





Komesar je dužan pratiti zbivanja u gledalištu i igralištu i, u slučaju ako je to potrebno, izvještavati sudije kako bi oni mogli pravovremeno poduzeti odgovarajuće mjere.

Komesar je odgovoran za rad pomoćnih sudija za zapisničkim stolom.

Kontrola suđenja na utakmicama A2 lige je obavezna. Istu sprovode komesari koji se nalaze na listi A2 lige i/ili komesari koji se nalaze na listi Prvenstva BiH 2018/2019.

U roku od 72 sata komesar je dužan dostaviti kontrolu suđenja. Ukoliko komesar ne ispuni obaveze isti će biti sankcionisan prema Propozicijama takmičenja A2 lige.

#### **ČLAN 18.**

Disciplinsku odgovornost komesara konstatuje i rješava Komesar takmičenja.

#### **ČLAN 19.**

Komesarima se zabranjuje komentarisanje za javnost svih momenata u vezi sa odigranom utakmicom.

### **SUDIJE**

#### **ČLAN 20.**

Utakmice A2 lige sezone 2018/2019 godine sude sudije sa "Liste sudija" koja je utvrđena nakon završenog testiranja, prije početka takmičenja.

Klubovi ne mogu tražiti izuzeće sudija s utvrđene liste.

Nominaciju sudija za utakmice A2 lige sezone 2018/2019 godine obavlja Komesar takmičenja.

Sudije su dužne o eventualnoj spriječenosti obavijestiti Komesara takmičenja prije nego što se izvrši nominacija.



Sudije su dužne potvrdu nominacije izvršiti odmah a najkasnije 48 sati po prijemu iste, u protivnom će se smatrati da je ista neopravdano otkazana. Nominacija se potvrđuje pismenim putem.

Samo u izuzetnim slučajevima, ako se isti sudija zatekao na utakmici na kojoj se nije pojavio jedan od nominiranih sudija, komesar može dozvoliti sudiji da sudi i drugu utakmicu. U posebnim slučajevima, kada to iziskuje situacija Komesar takmičenja može delegirati sudije sa liste Prvenstva BiH.

#### **ČLAN 21**

Ukoliko jedan ili obojica sudija ne dođu na utakmicu, komesar određuje zamjenu među prisutnim sudijama sa Liste sudija. Ukoliko u dvorani nema prisutnih sudija sa te liste, utakmicu mogu suditi druge sudije ukoliko se saglase oba kluba

Ukoliko ne postoji uvjet za ispunjavanje prethodnog stava, komesar će odložiti utakmicu o čemu je isti dužan odmah obavjestiti Komesara takmičenja.

Odluku o novom terminu odigravanja utakmice donijet će Komesar takmičenja. Ovako nastali troškovi isplaćuju se iz zajedničkog fonda lige.

#### **ČLAN 22.**

Sudije su potpuno samostalni u donošenju odluka.

Prvi sudija smatra se odgovornim u djelokrugu ovlaštenja propisanih košarkaškim Pravilima.

#### **ČLAN 23.**

Prvi sudija odlučuje o prekidu utakmice i djelomičnom ili potpunom pražnjenju dvorane u slučaju da gledaoci nespportskim navijanjem, uvredljivim i vulgarnim dobacivanjem vrijeđaju jednu od ekipa, sudije ili službene osobe.

Odluku o nastavku utakmice u djelomično ili potpuno ispražnjenoj dvorani ili definitivnom prekidu utakmice, također donosi prvi sudija utakmice.



#### ČLAN 24.

Sudijama se zabranjuje komentarisanje, za javnost, svih momenata u vezi sa odigranom utakmicom.

Sudije su dužne nakon utakmice obaviti sve obaveze vezane za utakmicu.

Nakon utakmice sudije i pomoćne sudije mogu napustiti dvoranu tek po odobrenju komesara.

#### ČLAN 25.

Disciplinsku odgovornost sudija koji ne poštuju odredbe košarkaških Pravila i svoju dužnost neobavljaju u skladu s ovim Propozicijama, konstatuje i riješava Komesar takmičenja.

U slučajevima vezanim za povrede ovih Propozicija, kaznu izriče Komesar Takmičenja, a u slučaju povrede košarkaških Pravila kaznu izriče Komesar takmičenja, na osnovu stručnog mišljenja nadležnog organa Sudijske Komisije KS BiH za A2 ligu. Isto tako, nadležni organ SK KS BiH dužan je dati svoje mišljenje vezano za suđenje u slučaju najavljene Žalbe na utakmicu od strane kluba u vezi suđenja. **Žalba na suđenje, uz potpis kapitena u slučaju Žalbe, se može podnijeti isključivo uz priložen video snimak utakmice i ispunjenje svih odredaba vezano za najavljenju Žalbu na utakmicu.**

#### POMOĆNE SUDIJE

#### ČLAN 26.

Pomoćne sudije delegira za, utakmice A2 lige u sezoni 2018/2019 godine, nadležna sudijska organizacija.

Pomoćne sudije na utakmicama moraju biti obučeni u sive majice, odnosno u majicu i pullover sive boje.

#### ČLAN 27.

Pomoćne sudije koji ne poštuju odredbe košarkaških Pravila i svoju dužnost neobavljaju u skladu s ovim Propozicijama, a time utiču na regularnost utakmice, mogu smijeniti same Sudije.

Zamjena pomoćnih sudija može se izvršiti i na prijedlog komesara.



U tom slučaju napraviti će se stanka radi smjenjivanja pomoćnog sudije.

Komesar određuje zamjenu među prisutnim pomoćnim sudijama.

#### ČLAN 28.

Ukoliko se, u mjestu odigravanja utakmice, ustanovi da nema dovoljan broj osposobljenih pomoćnih sudija ili se utvrdi da ne rade u skladu sa Pravilima igre i ovih Propozicija, delegiranje pomoćnih sudija obavlja Komesar takmičenja.

#### ČLAN 29.

Disciplinsku odgovornost pomoćnih sudija koji ne poštivaju odredbe košarkaških Pravila i svoju dužnost neobavljaju u skladu s ovim Propozicijama, konstatuje i riješava Komesar takmičenja.

### V PROTOKOL KOMESARA UTAKMICE

#### ČLAN 30.

**Nakon utakmice komesar je dužan sastaviti Izvještaj-Protokol o odigranoj i poslati ga e-mailom.** Službeni predstavnik domaćina dužan je **Obrazac sa rezultatom** neposredno poslije utakmice telefaksom uputiti komesaru takmičenja. U koliko službeni predstavnik kluba ometa rad komesara prilikom sastavljanja Dopunskog izvještaja komesar ima pravo udaljiti ga iz prostorije u kojoj se sastavlja Dopunski izvještaj.

A2 liga Jug se vodi iz kancelarije Košarkaškog saveza kantona Sarajevo.  
033/ 213 274, e mail: [ksksarajevo@bih.net.ba](mailto:ksksarajevo@bih.net.ba), adresa: Mis Irbina 8, 71 000 Sarajevo, [www.ksksarajevo.ba](http://www.ksksarajevo.ba)

A2 liga Sjever se vodi iz kancelarije Košarkaškog saveza Zenica.  
032 830 873, e- mail: [kszenica@kszenica.ba](mailto:kszenica@kszenica.ba), [www.kszenica.com](http://www.kszenica.com). Adresa: Obalni bulevar 30 A, 72 000 Zenica.

**ČLAN 31.**

Komesar u svom Izvještaju-Protokolu unosi sva dešavanja koja su vezana za utakmicu i daje ocjene organizaciji utakmice.

Komesar je obavezan napisati svoje mišljenje o svim spornim činjenicama.

**ČLAN 32.**

Dopunski izvještaj komesara sastavlja se u jednom primjerku i dostavlja komesaru takmičenja

**ČLAN 33.**

Komesar je obavezan zahtijevati od sudija da daju svoje mišljenje o spornim činjenicama sa utakmice, koje se ne odnose na suđenje.

**ČLAN 34.**

Sudija koji je donio odluku o isključenju igrača, trenera ili službenih osoba, dužan je obavijestiti komesara o razlogu isključenja i da li podnosi prijavu.

Ukoliko komesar i sudije podnose prijavu, dužni su opisati sve sporne trenutke u vezi disciplinskog prekršaja.

**ČLAN 35.**

Na posebnom obrascu, podnosi se prijava protiv izvršioca disciplinskog prekršaja. Komesar u posebnom izvještaju obavezno saslušava izvršioca prekršaja.

Zapisnik sa saslušanja obavezno potpisuje izvršilac prekršaja.

**ČLAN 36.**

Službena lica ne smiju o navodima sa utakmice obavještavati javnost. Oiginalni izvještaj komesara, dopunski izvještaj komesara, zapisnik utakmice, popis igrača obje ekipe, obračun putnih troškova sudija i komesara utakmice; komesar utakmice dostavlja poštom u roku od 24h nakon odigravanja utakmice komesaru takmičenja.



## VI DUŽNOSTI DOMAĆINA UTAKMICE

### NAJAVA UTAKMICE

#### ČLAN 37.

Domaćin utakmice pismeno obaviještava nadležnu sudijsku organizaciju (koja određuje pomoćne sudije), o vremenu i mjestu odigravanja utakmice.

**Mjesto, dan i sat odigravanja utakmice klub domaćin dužan je pismeno prijaviti najkasnije do utorka, do 12,00 sati.**

Domaćin je dužan prijaviti mjesto, dan i vrijeme odigravanja utakmice nadležnoj stanici javne bezbjednosti 48 sati prije njezina održavanja, odnosno u vremenu u kojem to zahtijeva nadležna stanica JB/PU.

### SMJEŠTAJ GOSTUJUĆE EKIPE I SLUŽBENIH LICA

#### ČLAN 38.

Domaćin je dužan, na zahtjev gostujuće ekipe, osigurati smještaj ekipi ukoliko to oni zatraže 4 dana ranije.

Domaćin je dužan, na zahtjev gostujuće ekipe, osigurati termin za trening u dvorani u kojoj se igra utakmica, ukoliko to oni zatraže 4 dana ranije.

Domaćin je dužan osigurati smještaj sudijama i komesaru ukoliko to oni zatraže 4 dana ranije.

Domaćin je dužan osigurati predstavnika koji stoji na raspolaganju gostujućoj ekipi, ukoliko ova to zatraži.

### REDARSKA SLUŽBA, BEZBIJEDNOST UČESNIKA, GLEDAOCI

#### ČLAN 39.

Domaćin je dužan na svakoj utakmici organizovati odgovarajuću redarsku službu i službu obezbjeđenja.

Domaćin je dužan osigurati osobe i pribor za sušenje mokrog dijela igrališta.

Osoba odgovorna za sprovođenje ovih odredbi je službeni predstavnik kluba.

#### **ČLAN 40.**

Dužnost domaćina je da poduzme sve potrebne mjere koje osiguravaju normalni tok odvijanja utakmice.

Domaćin snosi punu odgovornost za sve prekršaje i incidente koji se dogode na samoj utakmici ili neposredno u vezi s njom.

Za incidente koje učine gostujući navijači odgovoran je i gostujući klub.

Nije dozvoljeno nesportsko navijanje koje podstiče na nasilje, vrijeđanje na nacionalnoj, vjerskoj i rasnoj osnovi kao i navijanje koje onemogućava normalni tok utakmice (buka orkestra, zvučna pojačala, eksplozivna sredstva i sl.).

Domaćin ne smije dozvoliti posjetiocima da na bilo koji način povrijede prostor za igru unutar ograde (nije dozvoljeno mahanje zastavama preko ograde ili iza tabli, pomicanje konstrukcije i sl.).

U slučaju nereda na terenu ili u dvorani, domaćin mora poduzeti sve mjere i potpuno zaštititi sve članove obje ekipe, sudije i komesara.

Dužnost domaćina je da osigura njihov nesmetan odlazak u svlačionicu, a članovima gostujuće ekipe, sudijama i komesaru odlazak iz grada.

Svaki pokušaj napada na obje ekipe i službena lica bit će kažnjen.

#### **ČLAN 41.**

Za svaki prekršaj koji učini klub domaćin, komesar takmičenja izreći će kaznu u skladu s kriterijama za izricanje kazni prema ovim Propozicijama i Disciplinskom pravilniku KS BiH.

#### **ZDRAVSTENA ZAŠTITA, SREDSTVA JAVNOG INFORMISANJA**

#### **ČLAN 42.**

Domaćin osigurava zdravstvenu službu - dežurnog ljekara, koji raspoláže materijalom za ukazivanje prve pomoći.



Domaćin utakmice dužan je osigurati odgovarajući prostor za sredstva javnog informisanja.

#### **VIDEO SNIMAK, STATISTIKA**

##### **ČLAN 43.**

**Snimanje utakmica je obavezno, a domaćin utakmice je dužan postaviti snimak utakmice na You tube kanal najkasnije tri dana / 72 sata / poslije odigravanja utakmice, ekipe koje ne postavljaju snimak u predviđenom roku biće kažnjene po Propozicijama takmičenja.**

Domaćin utakmice je obavezan da osigura sve organizacione i tehničke pred uslove gostujućoj ekipi ako njeni predstavnici žele snimiti utakmicu.

#### **DRŽAVNA OBILJEŽJA**

##### **ČLAN 44.**

Domaćin je dužan, na svakoj utakmici, na vidnom mjestu postaviti državnu zastavu BiH.

Izgled, oblik i veličina zastave mora biti u skladu sa Zakonom utvrđenim normama.

Uz državnu zastavu, može biti istaknuta i zastava entiteta, grada i kluba.

#### **POMOĆNI UREĐAJI**

##### **ČLAN 45.**

Domaćin je dužan u dvorani osigurati elektronsku i drugu opremu - pomoćne uređaje i to:

- Sat za mjerenje vremena (stolni)
- štoperica za mjerenje 14 I 24 sec. i minute odmora ,
- uređaj za objavljivanje posljednjih 10 sec napada (gong),
- pokazivač rezultata (ručni semafor)
- pokazivač alternativnog posjeda lopte
- pokazivače bonusa



## VII TOK UTAKMICE

### ČLAN 46.

Početak utakmice, regulisan je košarkaškim Pravilima.

Dvadeset minuta prije početka utakmice prvi sudija provjerava da li je domaćin udovoljio odredbama košarkaških Pravila i ovih Propozicija, da li se na igralištu nalaze pomoćne sudije, te da li su svi uređaji u ispravnom stanju.

Ukoliko sudije ustanove neispravnost na uređajima, ostavit će domaćinu najviše 30 minuta da dovede uređaje u ispravno stanje. Ukoliko se kvar ne otkloni u ostavljenom roku od 30 minuta, ili ukoliko nastane kvar na tehničkim uređajima prije početka susreta, a u vremenu od uključivanja uređaja od strane prvog sudije, pa do početka same igre, utakmica se odlaže za 24 sata.

Odluku o odgađanju utakmice za 24 sata donosi komesar utakmice.

Ukoliko se neki od uređaja pokvari za vrijeme utakmice, utakmica će se nastaviti uz pomoćne uređaje, koji su propisani pravilima igre.

### ČLAN 47.

Dvadeset (20) minuta prije početka utakmice mjerilac vremena, po odobrenju prvog sudije, uključuje sat za mjerenje vremena. Pomoćne sudije zauzimaju svoja mjesta.

Šest (6) minuta prije početka utakmice prvi sudija sirenom (zviždaljkom) poziva igrače koji se zagrijavaju da izađu van igrališta.

Spiker predstavlja gledalištu kapitena, zatim ostale igrače prema brojevima na dresovima. Predstavljaju se prvo igrači i trener gostujuće, a zatim domaće ekipe. Igrači se postavljaju iza linije slobodnog bacanja. Prilikom predstavljanja svi igrači moraju biti obučeni jednoobrazno.

Nakon predstavljanja ekipa spiker predstavlja službena lica. Igrači se međusobno pozdravljaju i nastavljaju sa zagrijavanjem još 3 minute.

Minutu prije početka utakmice mjerilac vremena vraća sat za mjerenje vremena u početni položaj, a prvi sudija daje znak da je završeno zagrijavanje. Igrači prvih petorki izlaze na teren radi početka utakmice.



Nakon završetka utakmice svi igrači izlaze na igralište, međusobno se rukuju i odlaze prema svojim klupama.

## VIII NAČIN BODOVANJA I POSTUPAK PO ŽALBI

### ČLAN 48.

Način bodovanja i određivanje poretka ekipa obavlja se na temelju košarkaških Pravila.

Ukoliko ekipa iz bilo kojih razloga napusti takmičenje ili odlukom Komesara takmičenja bude isključena iz takmičenja gubi pravo nastupa u A2 ligi u narednoj sezoni.

### Član 49.

Najavljena žalba se u pismenom obliku unosi u posebnom izvještaju, najkasnije 20 min. po završetku utakmice.

Podnositelj žalbe obavezan je da u posebni izvještaj unese tačne i precizne navode zbog koji se žali. Po prijemu žalbe sudije utakmice i komesar daju svoje mišljenje i pismene izjave o navodima iznesenim u žalbi. Komesar je dužan žalbu sa prikupljenim izjavama putem telefaksa odmah dostaviti Komesaru takmičenja.

Detaljnija obrazloženja žalbe, žalioac može dostaviti u roku od 24 sata nakon odigrane utakmice.

Za svaku žalbu mora biti uplaćen iznos od 500 bodova prvi radni dan po odigranoj utakmici, a dokaz o uplati dostaviti tele-faksom do 12,00 sati.

### ČLAN 50.

Žalba koja nije najavljena potpisom kapitena, koja nije na vrijeme uručena komesaru, te žalba za koju nije uplaćen iznos u vrijednosti 500 bodova do utvrđenja termina neće se uzimati u razmatranje.



#### ČLAN 51.

Za utvrđivanje tačnog datuma kada je uplaćen iznos u vrijednosti 500 bodova priznaje se jedino žig banke, ili pošte na novčanoj uplatnici.

#### ČLAN 52.

Komesar takmičenja može žalbu usvojiti ili odbiti.

Kada žalbu odbije, utakmica se registruje postignutim rezultatom.

Kada žalbu usvoji, utakmica će se poništiti i odrediti odigravanje nove.

Ukoliko je načinjena povreda Pravila igre koja je bitno uticala na rezultat ili je utakmica bila ne regularna zbog uslova za odigravanje utakmice koji su predviđeni Pravilima igre i Propozicijama takmičenja, a što je uslovlila do postignuti rezultat nije posljedica sportskog nadmetanja, Komesar takmičenja će žalbu usvojiti i naložiti odigravanje nove utakmice, a podnosiocu žalbe uplaćena taksa se vraća.

Ako je žalba usvojena zbog neregularnosti u procesu registracije igrača ili bilo kojeg slučaja zbog čega igrač nije imao pravo da nastupi na utakmici komesar takmičenja će utakmicu registrovati 20:0 protiv ekipe koja je učinila povredu Registracionog pravilnika ili povredu "prava nastupa na utakmici". Kažnjena ekipa neće dobiti jedan bod u plasmanu. Podnosiocu žalbe uplaćena taksa se ne vraća. Obaveza je komesara takmičenja da u ovom slučaju podnese disciplinsku prijavu protiv odgovornih lica.

Ako je žalba zbog neregularnosti u procesu registracije igrača (greška kancelarije) Komesar takmičenja će žalbu usvojiti i naložiti odigravanje nove utakmice, a podnosiocu žalbe uplaćena taksa se vraća.

#### ČLAN 53.

Jednom registrovana utakmica ili donijeta odluka u vezi s takmičenjem ne može biti poništena od komesara takmičenja.

#### ČLAN 54.

Odluku o žalbi komesar takmičenja mora donijeti najkasnije u roku od 48 sati po odigranoj utakmici.



Komesar takmičenja svoju odluku saopštava telefaxom ili e-mailom.

**ČLAN 55.**

Na odluku komesara takmičenja dozvoljena je žalba u drugom stupnju koja se podnosi Odboru za žalbe, imenovanom od strane udruženja ligaša, i to u roku od 24 sata od prijema odluke.

Za žalbu mora biti uplaćen iznos od 1000 bodova, u protivnom žalba se neće uzimati u razmatranje.

Odluka u drugom stupnju donosi se u roku od 48 sati i konačna je.

Odbor za žalbe svoju odluku saopštava telefaxom.

**ČLAN 56.**

Ukoliko se žalba usvoji, žalioocu se vraća uplaćeni iznos namijenjen za troškove žalbe.

**ČLAN 57.**

Ukoliko žalba bude usvojena i rezultat utakmice poništen, prilikom odigravanja ponovljene utakmice troškove snosi ekipa koja je izgubila žalbeni spor.

**IX KAZNENE ODREDBE**

**ČLAN 58.**

Prekršaj ovih Propozicija kaznit će se na osnovu Člana 59.

Za teže prekršaje i prekršaje koji nisu predviđeni u Članu 59. ovih Propozicija primjenit će se odredbe Disciplinskog pravilnika KS BiH.

**ČLAN 59.**

Utvrđeni su kriteriji novčanih i vremenskih kazni za sljedeće vrste prekršaja klubova, igrača, sudija, komesara, trenera i drugih službenih osoba i to:

---

**PROPOZICIJE TAKMIČENJA**

---



**A. ORGANIZACIJA UTAKMICE**

**BODOVA**

- |                                                                                                |                      |
|------------------------------------------------------------------------------------------------|----------------------|
| 1. Nepravovremeno i neuredna prijava utakmice                                                  | od 100 – 300         |
| 2. Nedostatak pomoćnih uređaja                                                                 | od 300 – 500         |
| 3. Neispravni tehnički uređaji                                                                 | od 200 – 400         |
| 4. Neosiguravanje rezervne aparature                                                           | od 200 – 400         |
| 5. Slaba organizacija zapisničkog stola                                                        | od 200 – 400         |
| 6. Nedostatak propisanih obrazaca                                                              | od 100 – 300         |
| 7. Neosiguravanje svlačionica za sudije i ekipe                                                | od 200 – 400         |
| 8. Neosiguravanje prostorije za komesara utakmice                                              | od 200 – 400         |
| 9. Izostanak redarske službe i službe obezbjeđenja, nedovoljan broj redara                     | od 500 – 1000        |
| 10. Nedovoljan broj policajaca                                                                 | od 500 – 1000        |
| 11. Nepravilno obilježeni dresovi, slaba vidljivost brojeva                                    | od 100 – 300         |
| 12. Neosiguravanje adekvatnog prostora za rezervne igrače, pomoćne sudije i stolice za izmjenu | od 200 – 400         |
| 13. Nepredočavanje kartona za trenere i ostala s. lica                                         | od 200 – 400         |
| 14. Neplaćanje troškova i taksi službenim licima prije utakmice                                | od 200 – 400         |
| <b>15. Neslanje izvještaja ekipe domaćina sa utakmice</b>                                      | <b>od 200 – 400</b>  |
| 16. Neobezbjeđivanje termina za trening gostima (ako su uredno tražili)                        | od 200 – 400         |
| 17. Neosiguranje faksa za slanje izvještaja                                                    | od 300 – 500         |
| 18. Neosiguravanje lica i pribora za sušenje mokrog dijela terena                              | od 100 – 400         |
| 19. Nedovoljan broj lopti za zagrijavanje (4)                                                  | od 200 – 500         |
| 20. Neprisustvo utakmici ljekara                                                               | od 300 – 500         |
| 21. Nastupanje ne registrovanog igrača za klub                                                 | 1000                 |
| 22. Nastupanje suspendovanog igrača za klub                                                    | 1000                 |
| 23. Slaba organizacija utakmice                                                                | od 300 – 500         |
| 24. Nedovoljno nezaigrijana i osvjetljena dvorana                                              | od 800 – 1000        |
| 25. Neisticanje državne zastave BIH                                                            | od 500 – 1000        |
| <b>26. Neprisustvo službenog predstavnika na klupi domaćina u toku utakmice</b>                | <b>od 100 – 200</b>  |
| <b>27. Nesnimanje utakmice koja je obavezna za snimanje</b>                                    | <b>od 100 - 5000</b> |

**U ponovljenim slučajevima u toku takmičenja kazne se udvostručuju.**

## **B. NESPORTSKO PONAŠANJE GLEDALACA**

- |                                                                                                                         |                  |
|-------------------------------------------------------------------------------------------------------------------------|------------------|
| 1. Ometanje rada službenih lica od strane neslužbenih osoba                                                             | od 300 – 1000    |
| 2. Nesportsko navijanje i ponašanje gledalaca                                                                           | od 300 – 800     |
| 3. Bacanje na teren mekih predmeta                                                                                      | od 100 – 300     |
| 4. Bacanje na teren tvrdih predmeta                                                                                     | od 300 – 600     |
| 5. Bacanje na teren eksplozivnih naprava (petarde i baklje sa dimom)                                                    | od 800 – 1200    |
| 6. Narušavanje prostora za igru i ometanje normalnog toka igre                                                          | od 200 – 1000    |
| 7. Ulazak gledalaca u teren prije, za vrijeme i poslije utakmice                                                        | od 200 – 1000    |
| 8. Vrijeđanje službenih osoba i gostujuće ekipe                                                                         | od 200 – 400     |
| 9. Pokušaj fizičkog napada na službene osobe i gostujuću ekipu                                                          | od 1000 – 2000   |
| 10. Ostvaren fizički napad                                                                                              | od 2000 – 5000   |
| 11. Ostvaren fizički napad sa prekidom utakmice zabrana igranja na svom terenu od tri do deset utakmica i novčana kazna | od 3000 – 6000   |
| 12. Inicidenti koji se dogode prije i poslije utakmice a evidentirani su                                                | od 500 – 3000    |
| 13. Vrijeđanje sudionika utakmice na vjerskoj i rasnoj osnovi                                                           | od 1.000 – 5.000 |

**U ponovljenim slučajevima u toku takmičenja novčane kazne se udvostručuju.**

## **C. NESPORTSKO PONAŠANJE IGRAČA, TRENERA I SL. OSOBA**

- |                                           |     |
|-------------------------------------------|-----|
| 1. Svaka dosuđena Tehnička greška igraču  | 100 |
| 2. Svaka dosuđena Tehnička greška treneru | 200 |

---

## PROPOZICIJE TAKMIČENJA

---



3. Dosuđena isključujuća greška igraču	400
4. Dosuđena isključujuća greška treneru	od 400 – 1000
5. Dosuđena isključujuća greška službenih osoba	od 400 – 1000
6. Podnijeta prijava protiv igrača i trenera	od 300 – 1000
7. Podnijeta prijava protiv službenih lica	od 300 – 1000
8. Evidentirane međusobne prijetnje učesnika utakmice	500
9. Pokušaj fizičkog napada između učesnika utakmice	po 500
10. Ostvaren fizički napad između učesnika utakmice i vremenska kazna od 2 do 10 utakmica	po 1000
11. Nesportsko kritikovanje odluke sudija	od 200 – 1000
12. Nesportsko ponašanje službenih lica i trenera	od 200 – 1000

### D. NESAVJESNO OBAVLJANJE DUŽNOSTI SUDIJA I KOMESARA

1. Nepravrovremeni dolazak na utakmicu	100
2. Nesportsko i neadekvatno oblačenje	200
3. Nepridržavanje Pravila igre prije utakmice	200
4. Neuredno izvršavanje odluke komesara takmičenja	500
5. Neuredno pisanje izvještaja	od 100 – 200
6. Neispunavanje obaveza predviđenih Propozicijama	od 100 – 200
7. Nepridržavanje Pravila Košarkaške igre	od 100 - 500
8. Nedostavljanje dokumenata u predviđenom roku	500
9. Odlazak sa utakmice bez saglasnosti komesara	od 100 – 200
10. Neobjektivno prikazivanje činjenica u Izvještaju utakmica zabrane	od 2- 5
11. Neopravdan nedolazak na utakmicu	brisanje sa liste
12. Prijetnja igračima, trenerima i službenim osobama	brisanje sa liste
13. Pokušaj fizičkog napada na igrače, trenere i sl. osobe	brisanje sa liste
14. Fizički napad na igrače , trenere i sl. osobe	brisanje sa liste i Disciplinska odgovornost
15. Javno kritikovanje donošenja odluka (član 24 Propozicija)	od 1000 – 2000

---

## PROPOZICIJE TAKMIČENJA

---



16. Javno kritikovanje rada komesara takmičenja i Odbora za žalbe brisanje sa liste i zabrana obavljanja dužnosti od jednog mjeseca do jedne godine
17. Davanje izjava koje izlaze iz okvira sportskog ponašanja brisanje sa liste i zabrana obavljanja dužnosti od jednog mjeseca do jedne godine

### **E.**

Kazne zabrane igranja, obavljanja dužnosti koje su izražene brojem utakmica, odnose se na takmičenje u kojem su izrečene. Ukoliko do kraja takmičenja nije izdržana cijela kazna, ista se prenosi na sljedeću sezonu. Isto se odnosi i na ostale službene osobe.

Osoba koja je kažnjena vremenskom kaznom (kazna izražena brojem mjeseci), za vrijeme izdržavanja kazne ne može obavljati niti jednu dužnost u košarkaškom sportu.

### **F.**

Kazne izražene u bodovima odnose se na klubove i ekipe muškog takmičenja.

Utvrđena protuvrijednost boda, izražava se i uplaćuje u KM.

### **G.**

Za sve nepredviđene slučajeve koji nisu obuhvaćeni članom 59. ovlašćuje se Komesar takmičenja na izricanje kazni u visini: 500-5000 bodova

### **H.**

Ekipe koje iz neopravdanih razloga ili suspendirane (Član 67. propozicija) ne nastupi na utakmici, gubi utakmicu sa 20 : 0 i ne dobiva bod za tu utakmicu. Ako ekipa izgubi dvije utakmice na ovakav način, isključuje se iz takmičenja koje je u toku i u narednoj takmičarskoj sezoni biti će prebačena u niži stepen takmičenja.

Ukoliko dođe do prekida utakmice, ekipa koja je izazvala prekid utakmice i čiji su članovi igrači, treneri, pomoćni treneri, fizioterapeut, ljekar, službena lica ili navijači, gube utakmicu sa 20 :0 i ne dobiva bod za tu utakmicu. Ako ekipa izgubi dvije utakmice na ovakav način, isključuje se iz takmičenja





koje je u toku i u narednoj takmičarskoj sezoni biće prebačena u niži stepen takmičenja.

Ako ekipa samovoljno napusti igralište prije kraja utakmice, isključit će se iz takmičenja koje je u toku i u narednoj takmičarskoj sezoni biti će prebačena u niži stepen takmičenja.

U slučaju da za ekipu nastupi igrač koji nema pravo (suspendovan, kažnjen ili nije uredno registrovan) utakmica se registruje službenim rezultatom 20:0 za protivnički tim, a tim koji je nastupio sa igračem koji nema pravo ne dobiva 1 (jedan) bod u plasmanu. U ponovljenom slučaju ekipa se isključuje iz takmičenja.

**Ukoliko ekipa ne otputuje na odigravanje utakmice iz neopravdanih razloga ili domaćin ne zakaže utakmicu iz neopravdanih razloga gubi utakmicu sa 20 : 0 i kažnjava se sa 2000 bodova. Kazna se mora izmiriti do prvog narednog kola.**

**Ukoliko ekipa ne otputuje na odigravanje utakmice iz neopravdanih razloga ili domaćin ne zakaže utakmicu iz neopravdanih razloga, a ishod utakmice odlučuje o plasmanu u A1 ligu, isključit će se iz takmičenja koje je u toku i u narednoj takmičarskoj sezoni bit će prebačena u niži stepen takmičenja.**

**Takođe će biti kažnjena sa 2000 bodova.**

#### **Član 60.**

Ukoliko ekipa, trener, pomoćni trener i druge službene osobe naprave prekršaj koji podliježe disciplinskoj kazni, komesar utakmice i sudije moraju predati pismene izvještaje najkasnije 12 sati od završetka utakmice.

#### **ČLAN 61.**

Klub kojem je izrečena kazna igranja utakmice na svom terenu, dužan je prijaviti odigravanje utakmice u drugom gradu, udaljenom najmanje 50km.

#### **ČLAN 62.**

Izrečene kazne zabrane igranja izvršavaju se na utakmicama A2 lige sezone 2018/2019 godine.

### ČLAN 63.

O Disciplinskim prekršajima i prekršajima iz člana 58. i 59. ovih Propozicija koji se odnose na klubove, igrače, trenere, službene predstavnike ekipe, sudije i komesara na utakmicama A2 lige sezone 2018/2019 godine odluke u prvom stupnju donosi komesar takmičenja.

Za odlučivanje po uložnim žalbama na odluke koje je izrekao komesar takmičenja u drugom stupnju je nadležan Odbor za žalbe. Na odluku komesara takmičenja o novčanim ili vremenskim kaznama dozvoljena je žalba u roku od 48 sati od prijema odluke uz plaćeni iznos od 500 bodova.

Odbor za žalbe žalbu usvaja ili odbija.

Odluka se donosi u roku 48 sati i konačna je.

## X FINANSIJSKE ODREDBE

### ČLAN 64.

Ekipe učesnice A2 lige sezone 2018/2019 godine, snose svoje troškove takmičenja.

Prihod ubire domaćin utakmice.

### ČLAN 65.

Ekipe učesnice A2 lige sezone 2018/2019 godine finansiraju rad komesara takmičenja i poslove organizacije.

Ekipe učesnice su dužne osigurati dovoljno sredstava iz kojih se finansira takmičenje. Visinu ukupnih troškova utvrđuje Predsjedništvo KS BiH.

Ekipe učesnice su dužne prvi dio kotizacije uplatiti do **03. 11. 2018.** godine što garantuje njihovo učešće. Drugi dio kotizacije ekipe su dužne uplatiti do početka drugog dijela takmičenja.

Ostale materijalne troškove ekipe su dužne uplatiti po utvrđenoj dinamici koju će dobiti prije početka prvenstva, a sve u dogovoru sa Komesarom takmičenja.

Ukoliko se novčana pretraživanja ne podmire u utvrđenom roku, smatra se da je klub odustao od takmičenja.

#### ČLAN 66.

Putni troškovi sudija i komesara isplaćuju se na temelju Odluke o naknadama putnih i drugih troškova za vrijeme trajanja službenog putovanja.

Ekipa domaćina susreta je obavezna izvršiti isplatu taksi i putnih troškovi sudijama i komesaru sat prije početka utakmice.

**Takse za utakmice klubovi uplaćuju na ziro racune službenih osoba, uplate moraju biti izvršene najkasnije do početka utakmice, a dokaz o uplati se predaje komesaru prije početka utakmice. Putni troškovi se isplaćuju na licu mjesta.**

#### ČLAN 67.

Klubovi su obavezni finansijska potraživanja prema odluci komesara takmičenja o novčanim kaznama uplatiti u roku određenom prema biltenu od dana prijema računa, odnosno od pravosnažnosti odluke.

Ukoliko se finansijska potraživanja ne podmire u utvrđenom roku, klub je automatski suspendovan. Žalba na odluku ne odlaže njeno izvršenje.

Suspendovani klub ne može nastupiti na narednim utakmicama, a utakmice gubi bez borbe prema Pravilima igre, sve dok ne podmiri svoje finansijske obaveze.

**Klub koji ne podmiri svoje finansijske obaveze prema Takmičenju, ili prema matičnom košarkaškom savezu, na osnovu odluke komesara takmičenja, kao i na osnovu ovih Propozicija, ne može igrati utakmice u sljedećoj prvenstvenoj sezoni dok ne podmiri svoje finansijske obaveze.**

#### ČLAN 68.

Svi iznosi izraženi u dijelu Propozicija IX izraženi su u bodovima.

Utvrđena je vrijednost boda u iznosu od 0,5 KM.

#### ČLAN 69.

Slučajeve koji nisu predviđeni ovim Propozicijama, riješava Predsjedništvo Košarkaškog Saveza BiH.

---

**PROPOZICIJE TAKMIČENJA**

---



**ČLAN 70.**

Ove Propozicije tumači Predsjedništvo KS BIH.

Oktobar 2018. godine.

Komesar takmičenja